

«10» փետրվար 2023թ.

ք. Երևան

Հայաստանի Հանրապետության պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության պետի տեղակալ Աղասի Աղայանս, քննելով «Արթին տրանս» ՍՊ ընկերության (ՀՎՀՀ՝ 01302257) տնօրեն Աշոտ Սողոմոնյանի (անձը հասց. փաստ.՝ 55 0526664, հասցե՝ ՀՀ, ք. Երևան Մալաթիա-Սեբաստիա Հ.Ա.Վ. 3 թղմ. 13 տուն) առնչությամբ սկսված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Արթին տրանս» ՍՊ ընկերության անվամբ 05100041/260922/0040622 տարանցման հայտարարագրով Մեղրիի մաքսային կետ-բաժին անցակետով ՀՀ տարածք է ներմուծվել 1,780 կգ քաշով հանքային յուղ, ինչը 28.09.2022 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի գրանցվելու օրվան հաջորդող օրվանից 4 ամիս լրանալը՝ 29.01.2023թ-ը, ապրանքների վերաբերյալ մաքսային հայտարարագիրը մաքսային մարմնին չի ներկայացվել:

Ղեկավար առթիվ 31.01.2023 թվականին ՀՀ ՊԵԿ Երևանի մաքսային սպասարկման կենտրոն-մաքսատուն, վարչության բացթողնման բաժնի մաքսային տեսուչի կողմից «Արթին տրանս» ՍՊ ընկերության տնօրեն Աշոտ Սողոմոնյանի նկատմամբ կազմվել է մաքսային կանոնների խախտման վերաբերյալ արձանագրություն մաքսային կարգավորման մասին ՀՀ օրենքի 304-րդ հոդվածի հատկանիշներով, ինչը ուղարկվել է նրան, ինչպես նաև տեղեկացվել է նշանակված գործի քննության և իր իրավունքների մասին:

0.02.2023թ-ին Աշոտ Սողոմոնյանը ներկայացրել է ՀՀ ներմուծված ապրանքը՝ ՀՀ սննդամթերքի անվտանգության տեսչական մարմին գրանցելու համար 04.10.2022թ-ի դիմում և ՀՀ սննդամթերքի անվտանգության տեսչական մարմնի կողմից 19.01.2023թ-ին տրված N 2413 վկայական՝ ապրանքը ՀՀ-ում օգտագործման համար թույլատրված պետիցդների և ագրոքիմիկատների անվանացանկում ընդկրված լինելու մասին:

ՄԱՏՄ մաքսային օրենսգրքի 101-րդ հոդվածի 1-ին մասի համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս:

Սույն օրենսգրքի 110-րդ հոդվածի 1-ին մասի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

Մաքսային կարգավորման մասին օրենքի 301-րդ հոդվածի 1-ին մասի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային

ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Մաքսային կարգավորման մասին ՀՀ օրենքի 304-րդ հոդվածի համաձայն՝ սահմանված ժամկետում մաքսային մարմիններ Միության մաքսային օրենսգրքով կամ սույն օրենքով սահմանված մաքսային հայտարարագրերը կամ պարտադիր ներկայացման ենթակա այլ մաքսային փաստաթղթերը չներկայացնելը՝ առաջացնում է տուգանք՝ ֆիզիկական անձանց համար՝ երեսուն հազար դրամի, իսկ պաշտոնատար անձանց համար՝ հիսուն հազար դրամի չափով:

Այսպիսով, մաքսային կանոնների խախտման գործի վարույթի նյութերով հիմնավորվում է, որ «Արթին տրանս» ՍՊ ընկերության տնօրեն Աշոտ Սողոմոնյանը՝ Մեղրիի մաքսային կետ-բաժին անցակետով թիվ 05100041/260922/0040622 տարանցման հայտարարագրով ՀՀ տարածք ներմուծված ապրանքների համար՝ սահմանված ժամկետում մաքսային մարմիններ Միության մաքսային օրենսգրքով կամ մաքսային կարգավորման մասին ՀՀ օրենքով սահմանված մաքսային հայտարարագրեր չի ներկայացրել, ինչի արդյունքում կատարել է մաքսային կարգավորման մասին ՀՀ օրենքի 304-րդ հոդվածով նախատեսված մաքսային կանոնների խախտում:

Շլնելով վերոգրյալից և ղեկավարվելով, մաքսային կարգավորման մասին ՀՀ օրենքի 304-րդ հոդվածով, 301-րդ հոդվածով, 332-րդ հոդվածով, 334-րդ հոդվածի 1-ին կետի 1) ենթակետով և ՎԻՎ ՀՀ օրենսգրքի 234 հոդվածով՝

Ո Ր Ո Շ Ե Ց Ի

1. Մաքսային կարգավորման մասին ՀՀ օրենքի 304-րդ հոդվածով նախատեսված մաքսային կանոնների խախտում կատարելու համար «Արթին տրանս» ՍՊ ընկերության տնօրեն Աշոտ Սողոմոնյանի նկատմամբ նշանակել **տուգանք՝ 50.000 ՀՀ դրամի** չափով:

2. Որոշման պատճենը հանձնել կամ ուղարկել «Արթին տրանս» ՍՊ ընկերության տնօրեն Աշոտ Սողոմոնյանին՝ պարզաբանելով, որ մաքսային կարգավորման մասին ՀՀ օրենքի 334-րդ հոդվածի 2-րդ կետով որոշումն ուժի մեջ է մտնում այն կայացնելու պահից և 4-րդ մասի համաձայն վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով՝ մաքսային մարմնի բողոքարկման հանձնաժողով, այն ուժի մեջ մտնելու օրվանից երկու ամսվա ընթացքում կամ դատական կարգով:

3. Որոշմամբ նշանակված տուգանքի վճարման հաշվեհամարն է՝ **900005024055-ը** (ՀՀ պետական բյուջե, կենտրոնական գանձապետարան, Երևանի մաքսային սպասարկման կենտրոն-մաքսատուն, վարչության, **ԿՈՂ 27**):

ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ ԿԵՆՏՐՈՆ-
ՄԱՔՆԱՏՈՒՆ, ՎԱՐՉՈՒԹՅԱՆ ՊԵՏԻ ՏԵՂԱԿԱԼ



ԱՂԱՍԻ ԱՂԱՅԱՆ